

CYNLLUN IAITH GYMRAEG UK SPORT

Cymeradwywyd y cynllun hwn gan Fwrdd yr Iaith Gymraeg o dan adran
14 Deddf yr Iaith Gymraeg 1993 ar 5 Medi 2011, a chafodd ei ddiwygio a'i
gymeradwyo o dan yr un ddarpariaeth gan Gomisiynydd y Gymraeg ar
10/03/2020

Cynnwys

1 Gwybodaeth am y cynllun hwn (Tudalen. 3)

1.1 Gwybodaeth am UK Sport (4)

1.2 Cefndir (4)

1.3 Prif gyfrifoldebau (4)

2 Cynllunio a darparu'r gwasanaeth a grantiau (Tudalen. 6)

2.1 Rhaglen *World Class Events* (6)

2.2 Rhaglen Perfformiad *World Class* (6)

2.3 Polisiâu a mentrau newydd (7)

2.4 Safonau'r gwasanaeth (7)

3 Ymdrin â'r cyhoedd sy'n siarad Cymraeg (Tudalen. 8)

3.1 Gohebiaeth (post ac e-bost) (8)

3.2 Cyfathrebu dros y ffôn (8)

3.3 Dogfennau a chytundebau cyfreithiol (8)

3.4 Ymchwil (8)

3.5 Cyfarfodydd cyhoeddus (8)

4 Ein hwyneb cyhoeddus (Tudalen. 9)

4.1 Datganiadau i'r wasg (9)

4.2 Gwefan (9)

4.3 Cyfryngau cymdeithasol (9)

5 Rhoi'r cynllun ar waith (Tudalen. 10)

5.1 Staffio (10)

5.2 Gweithio mewn partneriaeth (10)

5.3 Gwasanaethau a ddarperir ar ran UK Sport gan drydydd partïon (10)

5.4 Trefniadau mewnol (10)

5.5 Monitro (11)

5.6 Adolygu ac addasu'r cynllun (11)

5.7 Cwynion ac awgrymiadau i wella (11)

Atodiad A – Prif dargedau ar gyfer cyflawni'r cynllun

Atodiad B – Systemau sgorio ar gyfer cyhoeddiadau a ffurflenni

1. Gwybodaeth am y cynllun hwn

O dan Ddeddf yr Iaith Gymraeg 1993, mae'n rhaid i bob corff cyhoeddus sy'n darparu gwasanaethau i'r cyhoedd yng Nghymru baratoi cynllun sy'n pennu sut y bydd yn darparu'r gwasanaethau hyn yn y Gymraeg.

Mae'r cynllun hwn yn disgrifio sut bydd UK Sport yn gweithredu, cyn belled ag y bo'n briodol o dan yr amgylchiadau ac yn rhesymol ymarferol, yn unol â'r egwyddor a sefydlwyd gan Ddeddf yr Iaith Gymraeg, sef y dylid trin y Gymraeg a'r Saesneg yn gyfartal wrth gyflawni busnes cyhoeddus ac wrth weinyddu cyfiawnder yng Nghymru.

Mae'r cynllun yn cynnwys y gwasanaethau y mae UK Sport yn eu darparu i'r cyhoedd yng Nghymru.

Mae UK Sport yn cydnabod bod gan yr iaith Gymraeg statws swyddogol yng Nghymru a gyfoethogir gan Fesur y Gymraeg (Cymru) 2011.

Yn y cynllun hwn, ystyr y term **y cyhoedd** yw unigolion, personau cyfreithiol a chyrff corfforaethol. Mae'n cynnwys y cyhoedd yn ei gyfanrwydd, neu ran o'r cyhoedd, yn ogystal ag aelodau unigol o'r cyhoedd. Mae'r term yn cynnwys sefydliadau gwirfoddol ac elusennau. Mae cyfarwyddwyr a chwmnïau cyfyngedig cynrychioladol eraill hefyd wedi'u cynnwys o fewn ystyr y term "y cyhoedd." Fodd bynnag, nid yw'n cynnwys personau sy'n gweithredu mewn swyddogaeth sy'n gynrychioliadol o'r Goron, y Llywodraeth neu'r Wladwriaeth. O ganlyniad, nid yw personau sy'n cyflawni swyddogaethau swyddogol o natur gyhoeddus, er eu bod yn bersonau cyfreithiol, wedi'u cynnwys yn ystyr y gair y *cyhoedd* wrth iddynt gyflawni'r swyddogaethau swyddogol hynny.

Gellir cael rhagor o wybodaeth am gwmpas a diben cynlluniau iaith yma: <http://www.comisiynyddygybraeg.cymru/Cymraeg/Sefydliadau/Pages/Cynllun%20iaith.aspx>

Cymeradwywyd y cynllun hwn gan Fwrdd yr Iaith Gymraeg o dan adran 14 Ddeddf yr Iaith Gymraeg 1993 ar 5 Medi 2011, a chafodd ei ddiwygio a'i gymeradwyo o dan yr un ddarpariaeth gan Gomisiynydd y Gymraeg ar [DATE].

1.1 Gwybodaeth am UK Sport

1.2 Cefndir

Sefydlwyd UK Sport (Cyngor Chwaraeon y Deyrnas Unedig) gan y Siarter Frenhinol ar 19 Medi 1996, a daeth yn gwbl weithredol ar 1 Ionawr 1997. Mae UK Sport yn gyfrifol am fuddsoddi oddeutu £100 miliwn o gyllid cyhoeddus bob blwyddyn – o'r Loteri Genedlaethol ac Exchequer – mewn chwaraeon perfformiad uchel.

Mae UK Sport yn atebol i'r Adran dros Dechnoleg Ddigidol, Diwylliant, y Cyfryngau a Chwaraeon (DCMS), ac mae ganddo gylch gorchwyl clir iawn ar y brig yn llwybr chwaraeon Prydain, heb unrhyw ran uniongyrchol mewn chwaraeon cymunedol nac mewn ysgolion.

Fe'i lleolir mewn un swyddfa yn Llundain, a chaiff ei oruchwylio gan fwrdd sy'n cynnwys cynrychiolwyr o gynghorau chwaraeon gwlad ac aelodau annibynnol sy'n cwrdd bob deufis.

1.3 Prif gyfrifoldebau

Llwyddiant Perfformiad Uchel

UK Sport yw'r prif gorff strategol ar gyfer chwaraeon perfformiad uchel yn y DU. Mae'n buddsoddi oddeutu £100m y flwyddyn mewn 1,200 o athletwyr ar draws 47 o chwaraeon sydd wedi'u cynnwys yn y Gemau Olympaidd a'r Gemau Paralympaidd er mwyn llwyddo i ennill cynifer o fedelau ag sy'n bosibl ym mhencampwriaethau'r byd ac Ewrop, ac yn y pen draw, yn y Gemau Olympaidd a'r Gemau Paralympaidd. Mae buddsoddiad UK Sport wedi ysgogi'r newid ym mherfformiad Prydain Fawr o Sydney 2000 i Beijing 2008, Llundain 2020, Rio 2016 ac yn Tokyo 2020.

Caiff athletwyr a noddir gan gyllid cyhoeddus eu henwebu i'w cynnwys gan Gorff Llywodraethu Cenedlaethol y DU am eu bod yn bodloni'r meini prawf o ran perfformiad. Ar hyn o bryd, caiff athletwyr sy'n gymwys i gystadlu ar gyfer "Team GB" neu "ParalympicsGB" eu lleoli yn Lloegr, yr Alban, Cymru, Gogledd Iwerddon, Ynys Manaw, Ynysoedd y Sianel a thramor.

Digwyddiadau mawr

Mae UK Sport hefyd yn gyfrifol am fuddsoddi £3.5m y flwyddyn i gydlynu'r ceisiadau am ddigwyddiadau chwaraeon mawr yn y DU, a'u cynnal. Mae'r digwyddiadau hyn ym mhedwar ban byd ac yn Ewrop yn cynnig cystadleuaeth gartref i'n athletwyr a hefyd yn cefnogi swyddogion a gwirfoddolwyr drwy roi profiad hanfodol iddynt. Ar gyfartaledd, maen nhw'n cynhyrchu bron £5 o elw sy'n cael effaith economaidd ar y rhanbarthau sy'n eu cynnal am bob £1 o gyllid y Loteri a fuddsoddir.

Cyhoeddwyd cynlluniau uchelgeisiol ym mis Hydref 2018 a amlinellodd gynlluniau strategol i atgyfnerthu statws y wlad fel un sy'n arwain y ffordd yn fyd-eang o ran cynnal digwyddiadau chwaraeon mawr.

Mae hyn yn cynnwys Pencampwriaethau Pêl-droed Ewro 2020 a chynnal 40-60 o ddigwyddiadau byd-eang ac Ewropeaidd ar draws chwaraeon y Gemau Olympaidd, y Gemau Paralympaidd a Gemau'r Gymanwlad ledled y wlad erbyn 2025.

Cysylltiadau a datblygiad rhyngwladol

Ein nod ar gyfer y DU yw bod ganddi lais cryf, parchus a chefnogol ym maes chwaraeon rhyngwladol.

Mae hyn yn bwysig oherwydd bod ein buddsoddiadau a'n targedau o ran perfformiad uchel ac o ran cynnal digwyddiadau chwaraeon mawr yn dibynnu'n fawr ar gyfreithlondeb, hygrededd ac effeithiolrwydd y sefydliadau sy'n llywodraethu gweithgareddau chwaraeon rhyngwladol.

Ymhellach, mae ffederasiynau rhyngwladol yn gwneud penderfyniadau rheolaidd sy'n cael effaith uniongyrchol ar allu'r DU i fod yn llwyddiannus mewn chwaraeon rhyngwladol – mewn meysydd megis rheolau, rheoliadau, prosesau cymhwyso, cymhwysedd, disgyblaethau newydd, materion o ran dopio a gwneud cais am ddigwyddiadau mawr. Rydym felly am sicrhau bod llais ein chwaraeon yn cael ei glywed pan gaiff penderfyniadau rhyngwladol eu gwneud.

A ninnau'n un o wledydd chwaraeon blaenllaw'r byd, mae hefyd yn bwysig bod gan y DU ran yn y gwaith o ddatblygu a llywodraethu chwaraeon rhyngwladol, dylanwadu ar ddiwygiadau, rhannu arfer gorau a meithrin partneriaethau cydweithredol sydd o fudd i'r DU a'r system chwaraeon fyd-eang. I'r perwyl hwn, rydym yn gweithio'n agos gyda Llywodraeth y DU ac asiantaethau chwaraeon cenedlaethol yn y DU a thramor, gan wella cysylltiadau strategol y DU ledled y byd mewn chwaraeon yn ogystal â'i safle rhyngwladol.

2. Cynllunio a darparu'r gwasanaeth a grantiau

Diben y cynllun hwn yw gweithredu, cyn belled ag y bo'n briodol o dan yr amgylchiadau ac yn rhesymol ymarferol, yn unol â'r egwyddor y dylid trin y Gymraeg a'r Saesneg yn gyfartal (adran 5(2) y Ddeddf). Bydd rhaglenni, mentrau a gwasanaethau UK Sport, fel y disgrifir isod a'u darparu yng Nghymru, yn gyson â'r cynllun hwn.

A ninnau'n ddsbarthwr y Loteri Genedlaethol yn Llundain, gall UK Sport ddyfarnu grantiau i gyrrff chwaraeon, i athletwyr o Gymru neu i bersonél cefnogi athletwyr o Gymru yng Nghymru. Wrth wneud hynny, bydd UK Sport yn defnyddio'r egwyddorion canlynol:

- a) Wrth gyflwyno grant i dderbynydd grant newydd yng Nghymru, caiff hyn ei gyfathrebu'n ffurfiol yn ddwyieithog. Gofynnir i'r derbynydd am ei iaith ddewisol, a chyfathrebir yn y dyfodol yn y dewis ieithyddol a fynegwyd;
- b) Lle nad yw'r dewis ieithyddol yn hysbys, caiff dyfarniadau grant eu cyfathrebu'n ffurfiol yn ddwyieithog nes bod y derbynydd wedi mynegi ei (d)dewis iaith.

Bydd telerau ac amodau grant yn dilyn yr egwyddorion uchod. O dan ei egwyddorion buddsoddi, mae rhaglenni cyllido UK Sport yn gyffredinol yn rhaglenni caeedig ar gyfer Cyrff Llywodraethu Cenedlaethol a ddewiswyd ymlaen llaw ac athletwyr enwebedig. Nid yw UK Sport yn cynnal rhaglenni grant agored.

2.1 Rhaglen *World Class Events*

Wrth gyflawni'r rhaglen *World Class Events* ledled y DU mewn partneriaeth â'r Cyrff Llywodraethu Cenedlaethol, dinasoedd a rhanbarthau, ac asiantaethau gwledydd cartref, gall UK Sport roi cefnogaeth ariannol i'r ceisiadau a'r digwyddiadau chwaraeon mawr a gynhelir yng Nghymru. Lle cynhelir digwyddiad chwaraeon mawr yng Nghymru gyda chymorth ariannol gan UK Sport, bydd yn ofynnol i reolwyr digwyddiadau ystyried sut y gall pob digwyddiad mawr ddiwallu anghenion y cyhoedd yng Nghymru yn y ffordd orau drwy'r cynllun. Bydd dyfarniadau grant yng Nghymru yn cynnwys amod bod y grant yn ddarostyngedig i'r cynllun hwn. Caiff y Gymraeg ei chynnwys mewn deunyddiau hyrwyddo, arwyddion, cyhoeddiadau ac ati mewn digwyddiadau yng Nghymru.

2.2 Rhaglen Perfformiad *World Class*

Mae nifer o athletwyr o Gymru wedi'u cynnwys yn Rhaglen Perfformiad *World Class* UK Sport ar gyfer chwaraeon penodol o'r Gemau Olympaidd a'r Gemau Paralympaidd ar ôl cael eu henwebu gan eu Corff Llywodraethu Cenedlaethol. Dyma raglen ledled y DU sy'n cynnwys athletwyr o bob un o'r pedair gwlad gartref. Lle bo angen UK Sport berthynas gyllido

uniongyrchol ag athletwyr o Gymru neu bersonél cefnogi athletwyr yng Nghymru, er enghraifft, drwy ddyfarniad grant personol athletwr, bydd UK Sport yn cynnig cyfathrebu'n ysgrifenedig yn y Gymraeg neu'r Saesneg, oni bai bod yr athletwyr neu bersonél cefnogi'r athletwr wedi mynegi dewis.

2.3 Polisiâu a mentrau newydd

Bydd polisiâu a mentrau newydd UK Sport neu rai a ddiwygiedig yn gyson â'r cynllun hwn. Byddant yn cefnogi'r defnydd o'r Gymraeg, lle bynnag y bo'n briodol, i helpu'r cyhoedd yng Nghymru i ddefnyddio'r Gymraeg fel rhan o'u bywydau beunyddiol. Bydd UK Sport yn sicrhau bod staff sy'n ymwneud â'r gwaith o lunio polisiâu'n ymwybodol o'r cynllun a chyfrifoldebau UK Sport o dan y Ddeddf. Bydd asesiad o effaith ar gydraddoldeb ar gyfer unrhyw bolisi neu fenter yn cynnwys asesiad yn unol â'r cynllun hwn.

2.4 Safonau'r gwasanaeth

Pan gaiff gwasanaethau eu darparu yn y Gymraeg ac yn Saesneg, byddant o'r un safon a'i gilydd ac fe'u darperir o fewn yr un amserlen.

3. Ymdrin â'r cyhoedd sy'n siarad Cymraeg

3.1 Gohebiaeth (post ac e-bost)

Os bydd aelod o'r cyhoedd yng Nghymru yn ysgrifennu atom yn y Gymraeg, bydd UK Sport yn ymateb yn Gymraeg (lle bo angen ymateb), ac yn gwneud hynny o fewn yr un amserlen ar gyfer ymateb â'r rhai hynny sy'n ysgrifennu'n Saesneg.

Os bydd UK Sport yn dechrau gohebu ag unigolyn, grŵp neu sefydliad yng Nghymru, byddwn yn gwneud hynny'n ddwyieithog oni bai bod gennym gofnod o'u dewis inni ohebu'n Gymraeg neu'n Saesneg yn unig.

Os bydd UK Sport yn anfon gohebiaeth safonol neu gylchol i unigolion neu gyrff yng Nghymru, bydd yn ddwyieithog oni bai bod gennym gofnod o'u dewis i'w derbyn yn y Gymraeg neu'n Saesneg yn unig.

Bydd unrhyw ddogfennau amgaeedig a anfonir gyda llythyrau Cymraeg yn Gymraeg neu'n ddwyieithog, pan fyddant ar gael. Bydd ymatebion sylweddol i ofynion am wybodaeth o dan Ddeddf Rhyddid Gwybodaeth 2000 a Rheoliadau Gwybodaeth Amgylcheddol 2004, neu ofynion i gael mynediad at bwnc o dan Ddeddf Diogelu Data 1993 yn yr iaith yr ymholwyd ynddi. Caiff gwybodaeth wedi'i hamgáu ei chynnig yn y Gymraeg lle caiff ei chadw yn y Gymraeg.

3.2 Cyfathrebu dros y ffôn

Oherwydd nad oes gennym swyddfa yng Nghymru, nid yw'n ymarferol nac yn gost effeithiol inni gynnal sgysiau dros y ffôn yn y Gymraeg ar hyn o bryd. Os bydd y galw am siaradwyr Cymraeg yn cynyddu yn ystod y cynllun, bydd UK Sport yn adolygu'r gofyniad ar sail gwerth am gost.

3.3 Dogfennau a chytundebau cyfreithiol

Caiff dogfennau cyfreithiol a chytundebau cyfreithiol gydag unigolion, sefydliadau neu grwpiau yng Nghymru eu cynnig yn iaith ddewisol y derbynnydd. Byddwn yn gofyn am ddewis ieithyddol wrth gysylltu'r tro cyntaf drwy fod yn rhagweithiol wrth gynnig deunyddiau yn y Gymraeg. Bydd mapiau a deunyddiau eraill mewn cytundebau a gaiff eu benthg neu eu defnyddio o dan drwydded yn ymddangos yn iaith y ffynhonnell wreiddiol.

3.4 Ymchwil

Os a phan fydd Sport UK yn comisiynu neu'n cynnal ymchwil sy'n cynnwys arolygon, gan gynnwys "trwy'r post", "o ddrws i ddrws", neu drwy e-bost neu dros y ffôn sy'n cynnwys athletwyr, personél cefnogi athletwyr, cyrff chwaraeon, neu aelodau o'r cyhoedd yng Nghymru, bydd y rhain yn cael eu cynnal yn ddwyieithog, oni bai bod iaith dewis y rhai a arolygwyd yn hysbys.

3.5 Cyfarfodydd cyhoeddus

Nid yw UK Sport yn cynnal cyfarfodydd cyhoeddus yn aml. Pe buasai UK Sport yn cynnal cynhadledd neu gyfarfod arall yng Nghymru sy'n agored i aelodau o'r cyhoedd, darperir gwasanaethau cyfieithu ar y byd, oni bai ein bod yn ymwybodol y bydd yr holl gyfranwyr yn debygol o ddefnyddio'r un iaith. Bydd gwahoddiadau i ddigwyddiadau yng Nghymru yn ddwyieithog.

Bydd y rhai sy'n trefnu'r digwyddiad yn penderfynu a fydd angen cyfleusterau cyfieithu ar y pryd gan ystyried lleoliad y digwyddiad, pwy sy'n debygol o ddod, y pwnc dan sylw a ph'un a yw UK Sport wedi cael gwybod am unrhyw un sy'n dymuno defnyddio'r Gymraeg. Darperir gwybodaeth ar bapur a gwybodaeth arall ar gyfer cyfarfodydd cyhoeddus yng Nghymru yn ddwyieithog, a chaiff yr holl adroddiadau a phapurau a gynhyrchir ar ôl cyfarfodydd cyhoeddus eu cynhyrchu yn y ddwy iaith.

4. Ein hwyneb cyhoeddus

4.1 Datganiadau i'r wasg

Caiff datganiadau i'r wasg i'r cyhoedd cyfrwng Cymraeg a'r cyfryngau darlledu yng Nghymru eu cyflwyno yn y Gymraeg ac yn Saesneg.

Lle caiff cyhoeddiadau eraill i'r wasg a'r cyfryngau eu rhoi ar y wefan, byddant yn y Gymraeg ac yn Saesneg, lle bo dyddiadau cau yn caniatáu hynny. Bydd UK Sport yn cynnal cynllun cyn y datganiadau rhagweithiol i'r wasg hyn sy'n benodol er budd y cyhoedd yng Nghymru, a byddant yn cael eu cyfieithu cyn eu cyhoeddi yn y ddwy iaith. Bydd hafan y wefan yn eich cyfeirio at ddeunyddiau yn y Gymraeg.

4.2 Gwefan

Os byddwn yn cyhoeddi gwybodaeth sy'n ymwneud â Chymru yn unig ar ein gwefan, byddwn yn gwneud hynny yn y Gymraeg. Mae'r cynllun hwn ar gael yn Saesneg ar ein gwefan.

4.3 Y Cyfryngau cymdeithasol

Caiff negeseuon sy'n ymwneud â Chymru yn unig eu cyhoeddi'n Gymraeg ar unrhyw gyfrifon ar y cyfryngau cymdeithasol rydym yn eu defnyddio. Bydd negeseuon sy'n dod i law yn y Gymraeg yn cael ymateb Cymraeg os oes angen ymateb arnynt.

5. Rhoi'r cynllun ar waith

5.1 Staffio

Gydag un swyddfa genedlaethol, ar hyn o bryd, caiff staff eu recriwtio yn seiliedig ar y rhagdybiaeth y byddant wedi'u lleoli yn Llundain, gyda chyfrifoldebau ar lefel y DU/Prydain fawr. Ar hyn o bryd, mae UK Sport yn cyflogi oddeutu 120 o staff, ac mae'r rhan fwyaf ohonynt yn gweithio yn y swyddfa ganolog yn Llundain. I rai aelodau staff, mae natur eu gwaith yn caniatáu iddynt weithio o bell ar gyfer rhan fwyaf yr wythnos waith. Os bydd angen staff arnom a fydd yn canolbwyntio ar weithgareddau yng Nghymru yn unig, cânt eu hysbysebu fel swyddi y bydd angen bod yn rhugl yn y Gymraeg ar eu cyfer. Caiff hyn ei adolygu'n barhaus yn wyneb unrhyw newidiadau o ran swyddogaethau, lleoliad a chyfeiriad strategol UK Sport, yn unol â'r cynllun.

Fel arfer, caiff hysbysebion recriwtio eu cyflwyno i bapurau newydd yn Lloegr a'u dosbarthu ledled y DU. Ar y cyfan, caiff swyddi yn UK Sport eu hysbysebu ar ei wefan yn Saesneg.

5.2 Gweithio mewn partneriaeth

Pan fyddwn yn arwain partneriaeth ffurfiol o safbwynt strategol ac ariannol, byddwn yn sicrhau bod unrhyw agweddau gwasanaeth cyhoeddus yn cydymffurfio â'r cynllun hwn. Pan fyddwn yn ymuno â phartneriaeth ffurfiol gyda sefydliad arall sy'n arwain, bydd ein mewnbwn i'r bartneriaeth hon yn cydymffurfio â'r cynllun hwn. Wrth weithio yn enw'r consortiwm, byddwn yn gweithredu'n unol â'r cynllun hwn. Pan fyddwn yn bartner mewn consortiwm, byddwn yn annog y consortiwm i gydymffurfio â'r cynllun hwn. Wrth weithio yn enw'r consortiwm, byddwn yn gweithredu'n unol â'r cynllun hwn.

Mae'r uchod yn cyfeirio at bartneriaethau ffurfiol sy'n ymdrin â gwasanaethau sydd ar gael i'r cyhoedd yng Nghymru yn unig.

5.3 Gwasanaethau a ddarperir ar ran UK Sport gan drydydd partïon

Bydd UK Sport yn sicrhau bod unrhyw gytundebau neu drefniadau a wnaed gyda thrydydd partïon sy'n ymwneud â darparu gwasanaethau i'r cyhoedd yng Nghymru yn gyson â thelerau'r cynllun hwn. Bydd hyn yn cynnwys contractio ac is-gontractio gwasanaethau.

5.4 Trefniadau mewnol

Cyflwynir y cynllun gyda chymorth llawn gan Brif Weithredwr a thîm Cyfarwyddwyr UK Sport.

Er mwyn gweithredu'n unol â'r cynllun hwn, bydd angen adnodd cydymffurfio y bydd y Tîm Llywodraethu'n gyfrifol amdano.

Mae Atodiad A yn cynnwys cynllun gweithredu i ddatblygu'r cynllun a gweithio'n unol ag ef. Bydd y cynllun gweithredu'n dod i rym ar y dyddiad y caiff y cynllun ei gymeradwyo gan Gomisiynydd y Gymraeg.

Bydd y cynllun yn cynnwys dyddiadau a thargedau o'r fath yn ôl y gofyn. Nod cyffredinol y cynllun gweithredu fydd sicrhau ein bod yn cyflawni'r ymrwymadau a nodir yn y cynllun hwn cyn gynted ag y bo modd ac yn ystod oes y cynllun hwn.

Caiff y cynllun ei hysbysebu i'n staff wrth ei gyhoeddi fel fersiwn ddiwygiedig ac i bob aelod newydd o staff fel rhan o'n proses ymsefydlu. Caiff ei gyhoeddi ar ein mewnrwyd a rhoddir sylw iddo. Rhoddir hyfforddiant priodol i staff sy'n gyfrifol am weithredu rhan o'r cynllun.

Byddwn yn sicrhau ein bod yn defnyddio cyfieithwyr a chyfieithwyr ar y pryd cymwys yn unig i gyfieithu testun a chyfieithu ar lafar. Byddwn yn gofyn bod y cyfieithwyr hynny'n aelodau o Gymdeithas Cyfieithwyr Cymru.

Cysylltir â'r cyhoedd yng Nghymru, ym mha bynnag ffordd nad yw wedi'i nodi'n benodol yn y cynllun hwn, mewn modd sy'n gyson â'r egwyddorion cyffredinol sydd wedi'u cynnwys yn y cynllun hwn.

5.5 Monitro

Bydd UK Sport yn monitro cynnydd wrth gyflawni'r cynllun hwn yn unol â'r targedau a nodwyd yn y cynllun gweithredu y cytunwyd arno gyda Chomisiynydd y Gymraeg.

Anfonir adroddiad monitro blynyddol i Gomisiynydd y Gymraeg ym mis Mehefin yn Saesneg ac yn Gymraeg.

Anfonir adroddiad ar gynnydd ei anfon o dro i dro i'r Tîm Cyfarwyddwyr.

Y targed yw sicrhau bod UK Sport yn gweithredu'n unol â nodau ac amcanion y cynllun hwn ymhen pedair blynedd ar ôl i'r cynllun ddod i rym.

5.6 Adolygu ac addasu'r cynllun

Byddwn yn adolygu'r cynllun hwn ymhen pedair blynedd ar ôl iddo ddod i rym. Byddwn hefyd yn adolygu'r cynllun yn anffurfiol bob blwyddyn yn unol â'r adroddiad monitro. Efallai y byddwn hefyd yn penderfynu adolygu'r cynllun hwn, neu gynnig diwygiadau iddo oherwydd newidiadau i'n swyddogaethau, neu i'r amgylchiadau rydym yn ymgymryd â'r swyddogaethau hynny, neu am unrhyw reswm arall. Ni fydd newidiadau'n cael eu gwneud i'r cynllun hwn heb gymeradwyaeth gan Gomisiynydd y Gymraeg.

5.7 Cwynion ac awgrymiadau i wella

Dylid anfon cwynion sy'n ymwneud â'r cynllun hwn, neu awgrymiadau i wella, i'r cyfeiriad canlynol:

info@uksport.gov.uk neu

Cydlynnydd Cynllun yr Iaith Gymraeg
Tîm Llywodraethu
UK Sport
40 Bernard Street
Llundain WC1N 1ST

Byddwn yn cydweithio â Chomisiynydd y Gymraeg er mwyn datrys cwynion ac yn ystod unrhyw ymchwiliadau a gynhelir o dan Adran 17 Deddf yr Iaith Gymraeg.

Atodiad A: Prif dargedau ar gyfer cyflawni'r cynllun Targed	Dyddiad i'w gwblhau a'r swyddog sy'n gyfrifol
<p>1. Digwyddiadau mawr Bydd yn ofynnol i reolwyr digwyddiadau ystyried sut y gall pob digwyddiad chwaraeon mawr yng Nghymru a noddir gan UK Sport, ddiwallu anghenion y cyhoedd yng Nghymru yn y ffordd orau yn unol â'r cynllun.</p>	Rebecca Edser Medi 2020
<p>2. Polisiâu a mentrau newydd Bydd polisiâu a mentrau newydd UK Sport yn gyson â'r cynllun hwn. Bydd UK Sport yn sicrhau bod staff sy'n ymwneud â'r gwaith o lunio polisiâu'n ymwybodol o'r cynllun a chyfrifoldebau UK Sport.</p>	Simon Fountain Medi 2020
<p>3. Gohebiaeth (post ac e-bost) Ymatebir i ohebiaeth ysgrifenedig sy'n dod i law yn y Gymraeg yn Gymraeg.</p>	Angela Field Ebrill 2020
<p>4. Grantiau a gynigir Caiff grantiau i Gyrff Llywodraethu Cenedlaethol, athletwyr a phersonél cefnogi athletwyr o Gymru eu cynnig yn y Gymraeg ac yn Saesneg, oni bai bod y dewis iaith yn hysbys.</p>	Mark Kelly Medi 2020
<p>5. Gwefan Bydd UK Sport yn cytuno ar raglen, i'w chytuno gyda Chomisiynydd y Gymraeg, i gynyddu cynnwys y Gymraeg ar ein gwefan yn unol â'r cynllun.</p>	Jonathan North Medi 2020